



# DEO OPTIMO MAXIMO UNI ET TRINO,

VIRGINI DEI-PARÆ, ET S. LUÆ,

Orthodoxorum Medicorum Patrono.

## QUÆSTIO MEDICA,

*QUOD LIBETARIIS DISPUTATIONIBUS,*

*manè discutienda in Scholis Medicorum, die Jovis tertiâ mensis*

*Februarii, anno Domini M. DCC. LXXIV.*

M. JOSEPHO-MARIA-FRANCISCO LASSONE, Regis in Sacro  
Consistorio Consiliario, S. Delphinæ Medico Primario, Cenfore  
Regio & Regiæ Scientiarum Academiæ, necnon Regii Medicorum  
Nanceianorum Collegii Socio Honorario, Doctore Medico, Præside.

*An præcipuus februm intermittentium fomes regio epigastrica?*

### I.



**F**EBRE nullus frequentior morbus, malè definitur calor corporis  
adauctus, non bene excessus roboris functionum vitalium suprâ  
animales, generalius conamen naturæ quo sese à materiâ morbi-  
ficâ purgare tentat, rectè adaucta pulsûs velocitas, signum illius  
pathognomonicum. Generalis causa febris evecta magis cordis irri-  
tabilitas, sive sympatheticè, sive mediante quâdam acrimoniâ cu-  
jus nomine juxta nos intelligenda venit ea humoris qualitas, quâ  
relativè ad functionem ipsius ope adimplendam, relativè ad subiectum cujus argu-  
tim vitam constituit, nimia inferatur irritatio; causæ generalis totidem sunt argu-  
menta causæ peculiares, symptomata, curatio frequentissimum victoriæ à naturâ  
relatâ pignus, sic victa sæpissimè eo quod victrix, prudenti medentis ministerio  
in debito cohibenda impetu, ab antiquis excolebatur dea,

Multiplex distinguitur febris, alia symptomatica, alia essentialis, alia lenta, ut in phthisi, consumptione, morbis plerisque malignis, alia acuta à præcedenti ideo diversa, quia cum sensibilitate vulgò vividiori semper ardet plethorica indoles, alia continua quæ nulli admodum manifestæ subjacet remissioni, sic ephemera seu synochus simplex ab abusu sex rerum non naturalium oriunda terminandaque resolutione cujus possibilitas in aliis morbis perperam adnuitur, synochus extensus crisi solâ solvendus, febris putrida in quâ acri cum inflammatione humores ad alkalescentiæ gradum majorem quam quem exigit sanitatis ratio vergunt, eruptiva quæcumque, cui quidem ultimæ speciei malè annumeratur purpurea solum male cautæ artis productum, alia remittens quæ manifestos habet paroxysmos, sic febris biliosa, ardens, se se quam proximè referentes, alia intermittens cujus præcipuus fomes nobis videtur esse regio epigastrica; illius autem propositionis veritati demonstrandæ incumbemus, dicendo 1°. quænam sit præstantior genuinæ morbi causæ cognoscendæ ratio, 2°. nostram in sententiam militare media huic ce cognitioni habendæ aptissima, quod ultimum patebit delineatâ prius febrium intermittentium historiâ.

## I I.

**M**ORBUS læsio functionis, sic effectus causæ in statu naturali non existentis, ipse-met causa phænomenon quæ non offert sanitas, mediis ei admodum oppositis debellandus, unâ cum sanitate sit amplissimi medicinæ circuli complementum; undè duplex illius disciplinæ divisio, Hygieine, & Iatrice prioris filia, ad-jutrix, sub se complectens Pathologiam, & Therapeuticam sibi mutua ad detegendum morbi genium præbentes auxilia. Causas enim enumerat, symptomataque explicat Pathologia peritissimis Astrucii, Gaubii, &c., ingenii vi non nunquam hypotheses versus abreptorum exulta manibus, à nobis verò hic brevissimè, timido, genuino tamen theoriæ authorum practitorum observationibus innixæ adam-branda penicillo.

Causa in genere ad functionem ritè peragendam requisiti absentia seu vitium, vel eadem juxta sanitatis leges perficiendæ repugnantis præsentia, multiplex in specie admittenda; interna sensum sine sensu œconomix animalis systema subvertit, protei sæpissimè vices gerens, specificorum solo alliganda vinculo; unde patet, definitio externæ facillimaque hujus cognitio. Prædisponens, seu remota, quâ positâ accidit morbus modò adsit alia excitans, derivanda à primitivâ constitutione fatalis hæreditatis pignore, à sexu quando pubertatis ortu novum quasi vitæ curriculum inierit homo, sic magis inflammabiles viri, sensibilibus muliebris sexus, præsertim instante singulâ menstruationis periodo, præsentè graviditate cujus in initio adest plethora generalis & vera, circâ verò finem peculiaris & spuria, in puerperio ubi maxima debilitas, denegatâque amoris pignori, debitâ tamen proprii lactis communicatione ad putredinem proclivitas, urgente sanguinei fluxus, sat certi illius possibilis fœcundationis monumenti, cessatione quam integrè factam excipit ad cœochymiam propensio, ab ætate sic in infantia debilitas, sensibilitas, minimasuccorum digestivorum energia, adulti humores æstuant, senex incedit debilis, rigidus, putrefactioni lento quidem passu grassanti aptissimus; à temperamento, sic in phlegmaticis nimia feri quantitas, in bilioso nimia bilis acrimonia, in sanguineo nimia purpurei laticis copia quam ut exerceri valeant functiones homini essentielles absque sanitatis detrimento, in melancholico, nimia generis nervosi affectio: à peculiari denique quâdam conformatione; undè concludere est 1°. quænam sint causæ occasionales, proximæ, procatharticæ, à sex rebus non naturalibus ita dirigendis ut statui physiologico opponantur deduc-

cendæ 1<sup>o</sup>. ex infelici remotæ & occasionalis consortio resultare causam morbi interni efficientem, seu ut authores loqui amant continentem, 3<sup>o</sup>. necessariam admodum esse illius ultimæ cognitionem ut tutioribus debelletur armis, præcedentium proinde à nobis exaratarum ex quibus proficiscitur.

Symptoma est effectus partis læsæ, varium ergò prò parte læsâ, læsionis modo, functione cui inservit, sic præeunte face Physiologicâ, genuina morbi interni causa naturæ penicillo depingitur, antè habitis scrupulosâ cujuscumque à naturali statu diversâ comparatione, diligentique causarum examine; sic vomitus ortus nascitur à nimia ciborum ingurgitatione, saburrâ, irritatione, inflammationis, ponderis, ipsius etiam subjecti nimia sensibilitate donati effectus.

Therapeuticæ tractat de sanatione, sanatio autem est in sanitatem mutatio morbi, supponit ergò causam illius debellatam, media eidem opposita, perspectio igitur victoris genio, clara fiet victi natura, sic manus inter ignaras proinde audacissimas, prudentia-vè tentantes experimenta, felix specificorum administratio speculare virus detegit cæteras eludens artis opes; tories innotescunt lues venerea, scorbutica, genuina morbi epidemici indoles: prospera menstrui, hæmorrhoidalis fluxus, vel evacuationis cujuscumque suppressæ advocatio, ignotum antea malorum fontem aperit, utili vel noxio tonicorum & relaxantium usu detegitur vera melancholiæ nervæ species. Ità tantopere à præstantissimis prædicis indicationes optimæ à juvantibus & nocentibus eruuntur, ità Hippocratis Angli nomine cohonestatus fuit sydenhamus.

Quibus ex omnibus inferenda nobis videntur hæc sequentia 1<sup>o</sup>. unum quodque momentum à nobis exaratum inservire non nunquam posse cognitioni continentis morbi causæ, 2<sup>o</sup>. sæpius esse insufficiens, quinimò committendis erroribus accommodatum, 3<sup>o</sup>. sparsa omnia peritissimâ colligenda manu, sicque ad unicum quasi contrahenda centrum undè numerosi ejusdem veritatis emittentur radii; sic juxta nos patet genuina inflammationis causa, cellularis textûs quoad aliquam partem magna irritatio unâ cum indole phlogisticâ, suppurationis quæ consistit in exundante fucce nutritio evectiori animalizationis caractere donato: canceri, adaucta scilicet in scirrosâ parte sensibilitas: legitima nobis videtur morborum malignorum divisio, in nervosos simplices, sive à nimio systematis nervosi tono seu à nimia ejusdem debilitate, & putridos, idea rabiei juxta quam est morbus malignus putridus cujus præcipuus fomes est salivæ latex, arthritidis cujus causa continens est sensibilitas maxima cum excessu terreæ substantiæ acri quodam humore soluta, sic plana, fiet, ut speramus, nostra de febribus intermittentibus assertio.

## III.

**FEBRES** perfectâ divisæ ἀποσπῆται dicuntur intermittentes, dividuntur ratione intervalli singulum inter paroxysmum intercedentis, tempestatis anni ubi sæviunt, benignitatis malignitatis vè, prout sunt endemicæ, sporadicæ, epidemicæ, integra æconomia furoris sit æquè particeps vel in aliquam corporis partem ruunt quasi collecto virium impetu; causas prædisponentes difficile assignabimus, phlegmatici tamen iis præcipuè videntur obnoxii, & qui jam eas fuerunt perpeffi: occasionales sunt aer frigidus, humidus, sic endemicæ ubi talis spirat, epidemicæ vere & autumnæ, alimenta viscosa, non fermentata, potus aquosi, animi pathemata, suppressa quæcumque evacuatio naturalis vel morbosa: cæ causæ quartanas maximè arcescunt, irritabile verò temperamentum cum irritante acri tertianas præferim advocat.

Symptomatum series triplex, frigus, calor necessaria in hoc morbo frigoris sequela, sudor, sibi in hoc ordine succedentia, paroxysmumque constituentia;

per frigus lingua humida , alba , nausæ , urina tenuis , limpida ; pulsus parvus , frequens , concentratus , convulsivus , intermittens , respiratio citâ , difficilis , anhelosa , pallor , tremor : in calore lingua sicca , rubra , pondere afficitur cordis serobiculus , urina rubra , pulsus fortis , respiratio non tam difficilis , rubor , calor & siccitas cutis quæ paulatim humescens magnâ mox serositatis copiâ irroratur , tunc urina rubra crassa deponens sedimentum vasis parietibus adhærens , lateritique caloris , sic solvitur paroxysmus .

Diagnosî lapsu temporis cuicumque obvia , in primo autem paroxysmo difficilima , stabiliri non nunquam posset præcedentibus anxietate , hypocondriorum tensione , levi horrore , debilitate mox fugitivâ , animi tristitiâ , urinarum pelluciditate , epidemiâ ; ferè autem impossibilis cuicumque variam intermittentem cognoscere cupienti , à Galeno tamen itâ benè perspecta ut cuius sagacitatem effugit eum Medici nomine indignum habeat . Prognosis variat præ variâ intermittentiâ , sic præstantes in arte viri tertianam quamdiu huncce characterem servat minimè lethalem fuisse asserunt , quartanæ verò longissimè durant , viscerum abdominalium producendis obstructionibus fiunt apertissimæ , leuco phlegmatiam , scorbutum sæpissimè procreant ; ratione paroxysmi symptomatum , sic juxta quosdam & præcipuè Harveum frigoris inter insultus febricitantes vitam derelinquere , constitutionis epidemicæ , temporis à quò jam durat morbus , cognitæ illius causæ . Curatio integra in initio minimè tentanda , juxta Sydenhamum sincerum naturæ interpretem expectanda materiæ morbificæ protritio febris ipsius-met viribus , typique nervosi per ipsam immutatio & defatigatio , sic plurimæ vernaes abeunt , fugiunt epilepsia , cordis palpitatio , morbi hysterici , & non rarò intermittentes salutarium nomine decorantur : quando verò tentatur , varias exiguat artis opes , paroxysmus & *αυτοπείρα* , in priori varia symptomata , in posteriori intermittens discrimen , tempestatis , temperamenti , epidemicæ constitutionis , cognitæ morbi causæ peculiaris , undè ut nihil nos effugiat bonum malumvè asferre valens , Medicinæ sanatrix armamentarium adaperiemus hic exposituri quando tale telum utiliter noxiè vè contorquendum . E triplici vero penu depromunt arma Medici , 1<sup>o</sup> . E Chirurgiâ , venæ sectiones adhibentur quando frigus & calor summè evehantur , viget inflammatio , in tertianâ non rarò , quartanâ , rarissimè equidem , quando plethora , juvenilibus æstuat ætas , nocent in cacochimicis , omnibus ferè febribus autumnalibus , levique furore apparent paroxysmi symptomata : conducit præcipuè fluxus hæmorrhoidalis , uterinusque , undè tam utilem in nostris febribus hæmorrhoidalium venarum aperturam habent Riverius , Sanctörinus , Haenius . 2<sup>o</sup> . E pharmacîâ , evacuantia inter , valet emeticorum usus in paroxysmo quando fatigant ægrum nausæ , fastidium ciborum , oris amaritudo , saburram erumpere gestientem denotant , in *αυτοπείρα* , solius irritationis existente suspicione : sudorifera & diuretica competunt in fine paroxysmi , in autumnalibus præsertim , cacochimicis temperamentis , ante accessionem pluribus jam elapsis , nocent in vernalibus , ad continuas vergentibus , indole phlogisticâ , sudoribus nimîâ quantitate jam elicitis , ineunte quâcumque febre intermittente nisi sic jubeat epidemica constitutio ; alterantia inter profunt diluentia quando comitatur eas inflammatio , juvenes , plethoricos occupant , tertianæ sunt , vernæ , autumnales in quibus exusta bilis æstivo calore fit acerrima , in paroxysmi quocumque symptomate primisque *αυτοπείρας* diebus , videtur ergò ubi non competunt , noxia vel utilis futura est calefacientium propinatio : valet narcoticorum usus jam dudum existente febre , vel etiam in illius primordiis quando frigus intensissimum , symptoma vè aliud nimîæ sensibilitatis index , systematis nervosi sola occurrit tumultuatio , maxima sudoris requiritur quantitas antè paro-

xyfimum, poſt emeticorum purgantiumque effectus, fugatam ipſammet febrem; ea fuit agendi methodus quam ſecuti fuerunt Galenus, Fernelius, Riverius, Sydenhamus, Wedelius, Boerrhaavius, Celeberr. Commentator Switenius, Huxamius: nocet in primis paroxyſmis, obſtructionibus inſarſto abdomine, temperamento phlegmatico: kina-kina adhibeatur, quando jam dudum militant natura, & materia morbiſica, niſi in certaminis initio occurrant ſymptomata opiatorum uſum expoſtulantia, irritabilior indoles, debilioſ, abſente etiam morbo, hiſce diebus, hæc ipſamet horâ ubi ſi ſuperſtes recrudeſcere debuiffet, nocet incipiente feбри, exiſtente polucacochimiâ, in vernalibus, præſente inflammatione vel obſtructione: aſtringentia valent in morbo antiquo hospite, unico ſæpiſſimè typi nervoſi pro-ducto, nocent adventâ mox febre à quâ ſperanda viſcoſitatis protritio. Quid boni dè anti-ſpaſmodicis, aromaticis regioni epigaſtricæ admotis apud obſervatores legatur. 3°. E diætâ quæ eð tractanda modo ut varietur pro intermittentis genio, cauſâ, variis circumſtantis, ægrique temperamento, ad hunc autem ſemper eſt dirigenda ſcopum, ut ſuperſint vires coſtioni criſique perſciendis haud impares, vulgò arceatur in veteri febre, moxque fugatâ, quodcumque magnoperè irritans, digeſtivumque confortetur ſyſtema.

#### I V.

**E**X adumbratâ tali februm intermittantium hiftoriâ ſequitur theſeos veritas; patet enim cauſam earum continentem eſſe peculiarem generis nervoſi irritationem in regione epigaſtricâ reſidentem, cujuſque præcipuum ſtimulus eſt acris quardam materies regionem eandem obſidens. 1°. Irritationis argumenta deducuntur à cauſis, repentinis ſcilicet animi affectibus, ut probat Switenius obſervatione puellæ quæ terrore ſuſcepto febre tertianâ ſui correpta, febris incremento temerariâ ſtimulantis conſuſumque adminiſtratione, illius reditu imprudenti emeticorum & purgantium uſu, violento ve animi pathemate, ut conſtat obſervatione ejusdem puellæ, in quam eâdem de cauſâ morbus idem majori ſæviit impetu, ſymptomatibus ſivè paroxyſmoantecedentibus, ut anxietate, tremore, ſubitaneâ debilitate mox evaneſcente, urinarum pelluciditate: ſivè eum comitantibus, ut frigore imminutâ circulationis minimè tunc comite, ſolo autem ſenſibilitatis effectû, ut accidit introducto per urethram cathetere, calculo membranaceam partem occupante, quid horridè inſolitum oculo vel male cautâ imaginationis vi menti tranſmittitur; convulſivo arteriæ interrogatæ reſponſo, thoracis ſpaſmodicâ conſtrictione: ſivè febrim imprudenter ſuppreſſam ſequentibus, itâ Switenius juveni cui in tertianâ vernâ poſt ſecundum paroxyſmum datus fuerat cortex, vidit accidiſſe oſcitationem, pandiculationem, miros borborygmos, abdoninis tumorem, aphoniam abſque ullâ pulſus immutatione alternis diebus circâ illam horam quâ paroxyſmus ingruere ſolebat, itâ juxtà obſervationes apud Edimburgenſis Academiæ memoralia relatas imprudentem kina-kina uſum ſecuta fuit mira nervorum ataxia; à curatione quæ abſolvitur venæ ſectionibus, diluentibus, narcoticis, frictionibus anti-ſpaſmodicis, balneis frigidis, emeticis quæ nulla ſequitur evacuatio purgantibus unâ cum ſudoriferis docente Sydenhamo, violentâ repentinâque animi percuffione ſic quintus Fabius Maximus Conſul, commiſſo prælio febre quartanâ in acie liberatus eſt, bombardæ improvifâ exploſione virgo ſanata fuit tertianâ febre, alia quartanâ ſubitaneâ cymbæ ubi erat per aquas intruſione.

Undè patet cur febres illæ ſint pertinaciſſimæ mobiliſſimi temperamenti hominibus, vulgò eo minus intermittentiæ intervallum quo irritabilis earum ſubjeſtum, ſic



tertianæ in tempore verno maximè vigent, in acutas vergunt non raro, major in medicamentorum administratione cautela, juvenes occupant, quartanæ familiariores sunt senibus, phlegmaticis, in hyeme, regionibus humidis, desinunt in hydropem, scorbutum, in iis conducunt stimulantia quibus tamen audaciori haustu sumptis earum sit in tertianam immutatio quotidianâ docente experientiâ, cur absque ullâ evacuatione sensibili omnes febrium species debellet Peruvianus cortex tantoperè valens in systemate nervoso roborando, & inordinatis illius motibus compescendis; cur denique earumdem febrium ope curentur sæpe paralyfis, epilepsia, cordis palpitaciones, frequentissimi solorum nervorum morbi.

2°. Irritationis sedes probatur regio epigastrica, egregium illud sympathiæ centrum, quasque sensitivæ animæ thronus, symptomatibus, sic frigus in digestionem percipitur f. c. venenorum, vel cujuscumque frigidi assumptione, urgente emeticorum & purgantium effectu, regionis illius suffocatione, curatione perficiendâ antispasmodicis supra dictâ regioni appositis, inunctionibus quæ circa hanc aromaticis penetrabilitate summâ donatis insituuntur unguentis, ut docet Reverius, suisque observationibus confirmat, kina-kina cæterisque astringentibus suas in primariam humorum officinam vires exerere duntaxat valentibus.

3°. Præcipuum irritans acrem esse materiem regionem epigastricam obsidentem probant causæ ad hanc-ce generalem ferè omnes reducendæ, quidquid scilicet digestivi systematis robur imminuere valet: symptomata, in frigore etenim regionis de quâ mentio pondus, nausea, vomitus, hypocondrîorum, si ita loqui fas est, viscosa tensio, ut innuencrâ evincit observationum serie Riverius: curatione ab emeticis & purgantibus incipiendâ, revocatoque fluxu hemorrhoidali, datis levibus aperientibus, & amaris tum intus, tum exus adhibitis, bili sive deficienti; sive vitiatæ vicariis continuandâ, absolvendâque digestionis virium incrementum, unde tantoperè commendantur fermentati liquores parçâ equidem manu propinandi, exercitium præsertim in equo alternis viscerum abdominalium succussionibus præbens ansam, materiei proindè obstruclæ protruitioni; tertiam propositionis nostræ partem asstruunt sequelæ febrium imprudenter suffocatarum, sic toties icterus, obstrucliones illius regionis, vel malè sanatarum, sic vidit Swietenius in febre epidemicâ tertianâ neglectâ primarum viarum evacuatione morbum desisse in diarrhæam putridissimam corruptionis indicem mortique præcursoriam, scrupulosa diætâ purgantibus cautè immixta cujus vinculis neci debet à talibus febribus resurgens, sic alimenta confortantia, facillimè digerenda, benigno inbuta succo nutritio, minimâ quantitate in eodem præcipuè pastu assumenda jubet Medicus, apertura denique cadaverum, sic tam sæpe reperiuntur obstruclæ, splen, mesenterium, pancreas, colon intestinum, ventriculus, viscosâque obducta materie, ut testatur celeberrimus Morgagnus (1), longiusque patebit lectione Mangeti tom. II. Bibli. Med. Pract. à pag. 425 ad 429 ubi legimus observationses Sylvii, Graaf, Thomas Bartholin, Pisonis, Heuernii, Hollerii, Ballonii.

V.

**P**RO nostrâ militante opinione analogia, & autoritas, 1°. Analogia, sic quædam intermittentia quando per os vel intestina crissim molitur natura, in cholera, iliaca passione, colicâ pictonum, sic febres biliosæ, & ardentes præcipuum habent fomitem in regione epigastricâ, quod de ultimâ probare operâ præteritum esse ducimus paucissimis equidem verbis; biliosi iis præcipuè corripiuntur, calidior aer, spirituosus liquores, acerrima assumptorum indoles, violentissima animi

(1) Tom. II. de morbis Thoracis, epist. 20. in quâ refert idem à Cramero, & Hoyerò observatum,

pathemata sævissimam hanc hospitem advocant, uruntur præcordia, tensione maximè dolorificà minimo de tactu exhorrent, exteriorem corporis habitum frigus occupat, flavo colore tinguntur oculi, urinæ tenues in *urina*, rubræ sunt cum crassamento lateritio, detumescite earum impetu, nausæ, integra appetitus prostratio, inexhausta sitis fatigant ægrum, crisis fit copiosa ejectione bile sive per superiora, sive inferiora, unde aphorismus Hippocratis *febrem ardentem cholera solvit*, naturæ ars æmula, integra dirigitur ad regionem epigastricam intus & extus, incisio cadaverum eo morbo defunctorum declarat bilem acerrimam, inflammata fells vesiculam, gangrænosamque ventriculi partem ei adjacentem.

2º. Scriptorum autoritas, bilem tertianæ febris causam accusavit Galenus, in quotidianâ pituitam, in quartanâ atrabiliarium humorem cujus fomitem posuit lien; Fernelius figit nidum febrium intermittendum circâ stomachum, duodenum, & pancreas, idem sentiebat Helmontius, in glandulis abdominalibus sedem posuerunt plurimi, Riverius circâ hoc ut plurima Galeni sententiam explicat. Sylvius solum pancreas habet, eandem amplectitur opinionem de Graaf. Apud Mangetum quando de febre quartanâ agit sic se se explicat, *causa hujus febris est melancholicus humor circâ naturalia putrescens*, idem refert consultationem à Joan. Micael præ febre intermittente datam, *subiectum causæ vix commodius concipi potest quam glandulæ stomachales intestinales, & mesaraicæ*. Sic ratiocinii, experientiæ, autoritatis interpretes concludimus:

*Ergo præcipuus febrium intermittentium fomes regio epigastrica.*

#### DOMINI DOCTORES DISPUTATURI.

M. Sanctus - Ludovicus GUINDANT, è Regiâ Scientiarum Societate Monspelienfi.	M. Antonius - Laurentius DE JUSSIEU, Regiæ Scientiarum Academiæ Socius.	M. Anna-Carolus LORRY.
M. Philippus - Alexander BACHER.	M. Joannes - Jacobus NOLLAN.	M. Bernardus - Nicolaus BERTRAND.
M. Claudius-Andreas GOUBELLY.	M. Benjaminus - Michael SOLIER DE LA ROMIL- LAIS.	M. Stephanus - Ludovicus GEOFFROI, Regi à Con- siliis & Secretis, & So- cietatis Botanices Floren- tinæ Socius.

Proponerat Parisiis LUDOVICUS DES BOIS DE ROCHEFORT, Parisinus;  
Eques, Saluberrimæ Facultatis Medicinæ Parisiensis Baccalaureus, necnon  
Thæseos Author, A. R. S. H. 1774. A SEXTA AD MERIDIEM.